

և ծառատնկովք . 4° .— Եւս մի առն 'ի քաղաքին Յոսպէի , որ ցարդ ֆրանկի րոն կոչի յօտարաց :

Իսկ աստուածասէր և բարեպաշտուհի համեստ տիկին նորին Հեղինէ , դուստր Պոտուռեան Գէորգեայ , ոչ ինչ ընդհատ երեւեցաւ յառաքինական շաւիղս բարեգործ լծակցին իւրոյ 'ի կենդանութեան իւրում , տալով շինել մշտնջենաւ որ յիշատակ հոգւոց իւրեանց եւ նախնեացն 'ի տաճարն Ս . Յակոբայ մեծի Առաքելոյն , մարգարտայեռ և գոհարազարդ եպիսկոպոսական պատուական թագն եւ վսկասն , և մեծագին խաչն ձեռաց , և զայլ ձեռագործ աշխատութիւնս , այլովքն հանդերձ , որոց յիշատակքն և կտակք միշտ և հանապազ օրհնութեամբ եղիցին :

Ի սմին ժամանակի Քաղաքապետն կալաւ զերկուս Ֆէլլահն 'ի գեղջէ Ղազարոսի պատճառաւ իւրիք և եդ 'ի բանտի , և 'ի գիշերին յայնմիկ գիւղականք նոցին քակեցին զորմն եկեղեցւոյն գերեզմանի Ս . Աստուածածնի 'ի ձորն Գեթսեմանի , և հանին անտի քարինս աւելի քան զ20 և խախտեցին 'ի տեղւոջն զբուռն երկաթի , այլ ոչ մտին 'ի ներքս , և այնպէս մեկնեցան անտի . և ընդ առաւօտն եղեւ քննութիւն , և Քաղաքապետն խոստանայր տալ շինել զոր քակեցին Ֆէլլահք , այլ յայտ է թէ քանի ծանրանալ ունէր նա վանօրէից . նմին իրի տաղտկացեալ Պօղոսի յերեսաց այսպիսեաց ասէր՝ թէ ոչ է արժան կալ մնալ անդ՝ ուր իշխողք ոչ կարեն 'ի գործ դնել զօրինաւոր իշխանութիւնս իւրեանց : Իսկ Փոխանորդ Զաքարիա վարդապետ զհետ պնդեալ էր սրաի մտօք լինիլ բաժանորդ ընդ Յունաց 'ի Գողգոթայ 'ի տեղի Սաչելութեան Փրկչին , որոյ վասն խնդրէր յերուսաղէմէ զբաշնագիրն Սալահատախինի , զի 'ի ժամանակս նորին 'ի ձեռս Հայոց էր սրբավայրն այն . թէպէտ Պօղոս եպիսկոպոս եցոյց նմա գիւրին ճանապարհ առանց այնր կատարել ըզգործն , զի Արքայն Մահմուտ ՎԿԷԼ թուին հրովարտակաւ բաժանորդութեամբ վայելել սահմանեալ էր զՍ . Տեղիս , այլ Զաքարիա յեցեալ 'ի բանս դաշնագրոյն՝ մատոյց գիր աղաչանաց առ Արքայ , և խնդրեաց տալ հրովարտակ հաւասար բաժանորդութեան Գողգոթայի տեղւոյն ընդ Յունաց , և 'ի պատճառէ իմեքէ բարկացեալ Արքայի հրամայ-